

杭縣志稿

第七冊

市仲選題



杭縣志稿卷八 建築二 祠廟

東嶽廟 在西溪法華山宋乾道三年建嘉定十七年樞密使史彌遠請於朝重拓寶慶三年落成清咸豐十一年燬於亂同治十一年里人重建光緒元年災二年復建府志

一在湯鎮順濟宮側宋乾道間德壽宮行幸賜銀帛建五嶽樓淳祐三年重修見咸淳臨安志按今不存

一在塘棲清康熙初里人募建乾隆甲申重修唐棲

志光緒末年里人重修新纂

一在肇和鄉金家渡名新東嶽廟

關帝廟

在法華山宋紹興三十五年建府志

一在喬司鎮清同治光緒間重建府志

一在塘棲里仁橋明萬曆年里人周某創建唐樓志

民國三十六年秋里人重修新纂

一在仲墅清光緒十七年重修

火神殿一名明離宮 在塘棲建年無攷設於鎮之

北方取以水濟火之義乾隆庚辰羽士沈尚貞募

貲重建大殿樓水文乘民國三十年毀於倭寇新纂

白龍王廟

在臨平東山龍洞側咸淳臨安志宋紹

興十四年重建臨平記

黑龍王廟 在超山有水旱二洞嘉定八年禱雨感

應賜額曰通靈之祠先封慧應侯繼封宣濟侯淳

祐七年亢旱禱雨感應加封昭慧龍祠淳祐臨安志

相傳超山一洞有黑龍居之宋嘉定間趙忠獻宋

史獻作憲宰邑時禱雨屢驗為宋時祈雨之所唐樓

志萬曆杭州府志作通靈廟清初兵燹之後僧庵

道觀又迭變更及清之季惟旱洞供有神像今移

奉乾元觀中新纂

天曹廟 在留下祀漢餘杭令陳渾後唐長興二年

封太平靈衛王以渚餘杭南湖通西溪水利民懷其德立廟祀之俗稱天曹神清雍正十三年重葺屬鶚為廟碑乾隆五十年重修孫嘉樂撰記府志

崇善廟

在皋亭山

浙江通志

記昔杭州刺史陳頊

錢塘縣志

咸淳臨安志頊仕東晉嘗使虜鷄留三年仗節不屈拔劍斫臂後命於朝卒葬皋亭山因廟焉鮑翼崇善廟記神姓陳諱頊字行嵩會稽人事東晉歷青楊荆廣四州刺史以武功食錢塘海鹽鹽官三邑見於李宗諤之圖經者如此梁大同二年敕封興善王

後改封崇善王而失其時代歲月

其見於

衍之圖經者

如此隋僧真觀講於衆安寺夜夢神求受淨戒仍
捨廟堂三間為神殿見於高僧傳者又如此爾後
遂寢血食專供伊蒲塞饌見於白居易之祝詞者
又如此碑板載神之事為多而怪誕不經適足以
誣神今特據其可書者以傳信於天下後世云
按諸說皆不及為杭州刺史事

東嘉忠靖王廟

在臨平市西

臨平續記

宋濂溫忠靖王廟堂碑王姓溫名瓊字永清溫之
平陽人父名望中明經甲科年耄無嗣與妻張道
輝籲於上帝一夕張夢神謂曰吾大火之精將降

胎為人張覺赤光被體中因有姪以唐長安二年五月五日午時生左腋有蓮篆二十四右半之十四通五經百氏及老釋家言二十六舉進士不第乃拊几嘆曰吾生不能致君澤民死當為泰山神以除厲耳制三十六神符授人而亡蜀葉天師用其符崇除沴氣之為人災者彷彿見王遂皆祠王以祈靈嚮焉王初封翊靈昭武將軍正祐侯其曰正福顯應威烈忠靖王則宋李之累加也王之事行見於傳記者如此立碑述祀神緣起特詳附錄之

順濟龍王廟 在湯村鎮政和五年郡守李偃以湯

村叢門白石等處江潮侵噬奏請同兩浙運使劉

既濟措置用石版砌岸因建廟累封靈應昭應嘉

應三王廟址陷於海遂廢

仁和縣志

午潮廟 在臨平市南祀伍子胥

臨平續記

撒沙夫人廟

俗稱半山娘娘廟

在皋亭山半神世居仁和

裔出倪氏時值金兵避亂而殞里人憐其捐軀守

志瘞於皋亭山之半山金兵長驅康王奔逸夜夢

神曰王但前吾當助陣明日接戰忽狂風大作向

北揚沙金人目盡瞽宋兵鼓勇前進得斬無算高

宗即位首崇祀典敕封撒沙護國顯應半山娘娘

立廟塑像

胡世寧撒沙夫人廟記

湖濡謀記云韓蕲王方拒敵夢神語以姓氏願助王威王臨陣有神鴉蔽天而至鼓翼飛沙敵騎目迷而敗王表其異因加敕封與此小異

咸淳志半山七娘子廟舊傳為崇善王妹不詳立廟始末考陳頊葬皋亭山梁封崇善王皋亭有崇善廟祀陳頊七娘子以王妹並祀於此或非無稽後又有倪氏女神之祀豈一廟流傳久而致異歟

府志

周宣靈王廟

在小林橫山

臨平續記

府志褚家塘有周宣靈王廟祀宋周雄嘉定四年
立廟屢顯靈異進封王爵錢養廉周宣靈王像贊
序神生於宋季憤胡元之亂銳志恢復抑鬱以致
其忠誠積憤固宜於日月爭光云云是廟奉祀正
同 臨平續記

靈惠王廟

在孝女北管下墟神姓謝諱達字明遠

宋徽宗時提舉淮浙避蔡京隱於石門嶺後忠
誠不泯建炎中金人至境聞空中金鼓聲旌旗震
耀顯露謝公神號鄉民賴焉咸淳庚子元夕鄉人

夢神云今歲當大旱宜先濬井夏秋果旱得井灌
田成熟自後旱潦祈禱輒應事聞賜額建廟清咸
豐十一年燬於寇光緒初里人重建在金龍四大

王廟左

府志

金龍四大王廟 在孝女北管下墟祀宋謝緒神為
謝達之孫行四生時嘗讀書金龍山宋亡死節為
河神明封護國濟運金龍四大王清自順治至光
緒累加封號為顯祐通濟昭靈效順廣利安民惠
孚普運護國孚澤綏疆敷仁保康贊翊宣誠靈感
輔化襄猷溥靖德庇錫祐溥祐四十字咸豐末

寇亂廟就傾圮光緒二十一年重建神事蹟詳見

金龍四大王祠墓錄新纂參府志

一在塘樓東小河清道光初里人以大悲庵址改

建唐樓志

利濟侯廟即廣濟庵俗稱總管堂

在塘樓長橋祀

金元七總管弘治間建以鎮橋梁

樓水梁乘修橋陳守

清入都籲請感動禁闌慈聖青宮敕賜無量壽佛

帑金御寶敕廣濟庵院北向有堂肅然為總管堂

周聖夫橋庵紀略

萬曆癸卯燬僧顯林重建清康熙庚戌

又災僧定鏡宗聖里范秉仁重建乾隆戊子為鄰

火延燒乙丑重建悉經改作廣濟菴退進總管堂

擴充規模宏敞

樓乘類編

咸豐十年兵火盡燬唐樓志

光緒間後建民國二十年里人闢商場變為市廛

塋像均移供南聖堂

新纂

一在五杭橋北府志

楊和大王廟

在方興神為宋楊沂中紹興間賜名

存中宣和間山東河北群盜四起存中應募擊賊

大小二百餘戰屢建奇功宿衛出入四十年孝宗

常呼郡王而不名居鳳山十年葺園亭於湖山之

間今奉以為土神

仁和縣志

申將軍廟 在臨平斗門橋北鄉民祈求田蠶相傳

為楚申明父白公作亂楚王命明伐之白公殺其

父後人為立祠

咸淳臨安志

廟有殘碑宋季人換謂為

申色胥鄉人於此祈禱輒應

咸化府志

咸淳成化兩志說互異梁田庭立記聞云申明春

秋傳無其人明必鳴字之誤當是申鳴故稱將軍

非其父也申鳴事見韓詩外傳及說苑立節篇梁

說近是臨平記補遺德清俞樾曰申將軍廟相傳

祀楚大夫申色胥向疑楚臣不應立廟於此或即

伍子胥廟蓋臨平為錢塘江入海之處子胥潮神

固宜有廟。因伍子胥奔吳。吳與之中。故國語稱之曰申胥。遂訛為申邑胥耳。今見梁氏紀聞。知宋時已有中明父之稱。父者男子之美稱。不必疑鳴之父矣。府志

周絳侯廟 在臨平。晉建武元年。侯裔孫卓卜居臨平。鄉之大姓俞氏。因即其地祠侯。建炎三年。金人犯境。鄉民環廟為柵以守。敵仰視旌旗蔽空。書曰漢絳侯周皆羅拜遁去。自是靈異著聞。雨暘蝗疫。有禱必應。咸淳志

臨平記補遺俞樾曰。余寓居臨平久。絳侯祠已無

攷里人所報賽者尚有楚平王廟始疑楚平王何以廟食茲土以絳侯推之或亦楚亡之後其子孫有流寓於此者所立乎

曹王廟 在長樂鄉 光湖南金輿村相傳神為曹

子建

咸淳志

曹將軍廟 在塘棲馬鞍山民患瘡瘍者祈禱輒愈

唐棲志

一在小林茅山

臨平續記

周北謙曰愚意度宋曹彬有除掃瘡瘍之語而世俗以為能除疥癬而禱之及閱曹鼓園棲水文乘

云神係邑天開河人姓曹名濬吳越王之婿生前
掌樓船五百號封揚海侯不知何故死而為神也
樓乘類編

英濟侯廟

在塘樓里仁橋南其來已久侯極威靈

自來興廢不一乾隆間重修侯宋時蕭山人姓張
行六十五故稱張六五相公以習水起家生為義
士歿為明神俗傳為唐張巡非

樓乘類編

咸豐初改為

靖江王廟竟誤為張巡旁列南雷二將軍像民國
二十五年冬廢為杭德汽車站

新纂

一在雲會鄉

名相公廟一在平徑鄉一在宏靖鄉一在獨山均